

Headline	THT kembali bernafas kalahkan Sapura		
MediaTitle	Berita Harian		
Date	17 Sep 2016	Language	Malay
Circulation	125,514	Readership	947,000
Section	Sukan	Page No	47
ArticleSize	218 cm ²	Journalist	N/A
PR Value	RM 22,458		



THT kembali bernafas kalahkan Sapura

Kuala Terengganu: Pasukan Hoki Terengganu (THT) menghidupkan semula peluang mempertahankan kejuaraan apabila menundukkan pendahulu liga, Sapura 4-1 dalam saingan Liga Premier Hoki Malaysia (MHL)-TNB 2016 di Stadium Hoki Batu Buruk, semalam.

Pemain import kelahiran Korea Selatan, Jang Jong Hyun muncul wira THT apabila meledak hatrik dalam perlawanan hidup mati pasukan dari Pantai Timur itu.

Jong Hyun memulakan tirai jaringan seawal minit kelima apabila tidak mensia-siakan pukulan sudut penalti dengan menewaskan penjaga gawang Sapura, Mohamad Hairi Abdul Rahman.

Lima minit kemudian pakar pukulan sudut penalti itu sekali lagi membuktikan sentuhan berbisa-nya apabila meledak gol kedua.

Ketinggalan menyaksikan Sapura yang menjuarai Piala Tan Sri P Alagendra bangkit menyerang dan memperoleh empat pukulan pe-

nalti berturut-turut pada minit ke-16, namun gagal disudahkan oleh Oscar William Wookey.

Cetak nama

Pelawat kemudian tersentak lagi apabila Jong Hyun mencipta hatrik untuk gol ketiga juga menerusi pukulan sudut penalti pada minit ke-21 sekali gus mengukuhkan kedudukan THT.

Pada aksi suku ketiga, pasukan kendalian Yahya Atan sekali lagi memperoleh dua pukulan sudut penalti pada minit ke-43, namun masih buntu menembusi gawang THT yang dikawal Muhammad Hafizuddin Othman.

Penyerang berbisa THT, Faizal Saari mencetak nama apabila menjaringkan gol keempat menerusi pukulan sudut penalti pada minit ke-48.

Sapura memperoleh gol sagu hati menerusi bekas pemain THT, Muhammad Firhan Ashari selepas di-hadiahkan penalti pada minit ke-59.

Oleh Faizul Azlan Razak

Headline	THT kembali bernafas kalahkan Sapura		
MediaTitle	Berita Harian		
Date	17 Sep 2016	Language	Malay
Circulation	125,514	Readership	947,000
Section	Sukan	Page No	47
ArticleSize	218 cm ²	Journalist	N/A
PR Value	RM 22,458		



Jong Hyun ledak hatrik untuk THT.